

江防總論
江防述略
海寇議

海防總論
江防集要

海防述略
海防集要



海
防
集
要

韓
奕
輯

中
華
書
局

海防集要

清古廊韓 奕克振輯

自江防海膠角嘴營前沙南北相對海岸約闊一百四五十里爲第一重門戶狼山福山相對海面闊一百二十里爲第二重門戶周家橋與山相對周家橋北岸至順江洲與江南分界江面約闊六七里順江洲至新洲夾江面約闊七八里新洲夾至山南岸江面約闊十四五里爲第三重門戶倘至不已守金焦南岸斯爲下策

海潮應月浙江廣福等處潮俱有信獨瓊州潮半月東流半月西流其小大應長短不隨月松江與太倉通泰州有沙船淮安有海雕嘗由海至山東蓬萊貿易云離天津不遠

蓋江南東海之防守在崇明吳淞江口而要在蘇州故崇明吳淞江設所而蘇州重鎮設三衛江北淮南海防守在泰州通州興化鹽城而要在揚州高郵淮安故泰州通州興化鹽城各設所而惟揚州高郵淮安設衛淮安當大瀆通海尤其要處故爲重鎮設二衛淮北海防患在東海守在海州而要在邳州故東海二州設所而邳州設衛

倭寇過洋如遇南風多則犯浙直遇北風多則犯閩廣中流風水不便則收馬蹟羊山候便開船如遇南風必由高家嘴而入犯七八九團以至竹箔沙寶山吳淞入內彼處設鎮守且劉河與吳淞海面不遠

兵船瞬息可至。見分五哨。一哨泊守新竈。一哨泊守黃窰。一哨出洋遠探。二哨坐泊港內。若山蛇山外洋而來。必經三片高家沙入內。三片沙係江北要路。狼山襟喉。又登舟沙實係福山白茅常鎮門戶。議彼處兵船一枝住泊。與崇明兵船應援。福山兵船一枝泊守營前沙。與江北舊守山前沙兵船犄角。白茅兵船泊守登舟沙。爲營前應援。以固入犯要路。楊舍逼近狼福。乃由海入江門戶。兵船一枝泊守褚家沙。哨至營前三沙洪。一枝泊守三丈浦。一枝泊守谷濱港。但自褚家沙至楊舍。以及江陰孟河一帶。江面窄狹。險沙頗少。船難行。若不遠出外洋。哨探邀擊。一遇入江。縱使堵截。勢難萬全。未免登岸入內之虞。

海船入江。必由崇明南北二路。縣後、掘坦、二沙。在縣之北。易于膠淺。凡舟之輕小者。由此而行。竹箔、宋信嘴。在縣之南。其水深窪。凡舟之重大者。由此而行。二路堵截。更無入江之路矣。崇明者天生此沙。以鎖江之海口。江防第一關鍵。實在是也。過此以西。方論營前、靖江、金焦。此設險之大旨也。京口雖係江南諸郡咽喉。然從古江寇犯金陵。未有由此而進者。以沿江南岸。疊嶂如屏。而潤州、秣陵之間。夾岡險阨。無港可達故也。若從通泰登陸。循江北內地而行。屯兵六合。分師渡蕪湖、采石。太平而北。豈非地勢之至要者歟。故嚴江防須重江北。

海防之要。惟有三策。出海會哨。無使入港者。得上策。循塘拒守。無使登岸者。得中策。出水列陣。無使近城者。得下策。不得已而至守城。則無策矣。吳淞乃水陸之要冲。蘇松之喉吭也。提兵南向。可以援金山之

急揚帆北哨。可以扼長江之險。自吳淞而北爲劉家河。爲七丫港。又東爲崇明縣。七丫而西爲白茆港。爲福山。又折而西北爲楊舍。爲江陰。爲靖江。又西爲孟河。爲盱山。此皆舟師可居。利于水戰。但吳淞而南。雖有港汊。每多沙碕。賊可登岸。兵難泊舟。非選練步兵。循塘拒守不可也。今日吳淞所而南爲川沙堡。又南爲南匯所。其西爲青村所。又西爲柘林堡。此皆不遠六十里。聲援易及。又西爲金山衛。近添設遊兵。往來遊徼。則北可以護松江。而西可以援乍浦。

廟灣勦賊之路。原有兩條。一條從寶應拖船過坝。水路自清溝喻口進攻。則兵勢既迅。而饋餉亦易。一路從淮安至馬邏陸路進攻。此兵勢既迂。而饋餉亦難。及江北與江南浙福不同。靠不得水戰。止靠陸戰也。

海道之要害。切于江北者。狼山。當江南之吭。而廖角掘港。皆揚之東南界也。胸山據淮海之首。楚州嚶遊山。皆淮之東北境也。中包泰興之周家橋。鹽城之射陽湖。山陽之雲梯關。廟灣等處。此皆沿海沖要之區。寇盜停舶出沒之處。乃據守所當先者也。

淮揚二郡。界于江淮之間。東濱大海。賊舟出沒。三面隄防爲難。今考其地形。起自東南廖角嘴。以抵姚家蕩。縣延三四百里。除安豐等三十六場俱在腹內。不爲要害。要害之處。乃通州也。狼山也。楊樹港。裏河鎮也。餘東。餘西場也。廖角嘴。呂四場也。掘港。新開港也。廟灣。劉莊。金沙場也。其尤要者有三。曰新場。出入至逼近揚州也。曰北海所。從以通新開港。且有鹽艘聚泊也。曰廟灣。其爲巨鎮而通大海口也。

海舟必得山澳而後可泊。無澳之山，不可以避颶風，如之何敢泊也。

洋山，乃蘇松禦倭海道之上游。明議浙直哨船期會于此，以其居浙直之交。

崇明守則三江盡安瀾。海門扼則通泰無烽警。

江南控扼在崇明，浙東控扼在舟山。天生此二塊土大海中，以障蔽浙直門戶。諸哨船皆自此而分，而南北總會于洋山。若會哨嚴緊，遇船卽打，賊從何入。

浙海諸山，其界有三：黃牛山、馬墓、長塗、册子、金塘、大樹、蘭秀、劍山、雙峙、雙塘、六橫、韭山、檀頭等。山界之上也。灘上、澚山、羊山、馬蹟、兩頭洞、魚山、三姑、霍山、徐公、黃澤、大小衢、大佛頭等。山界之中也。花腦、求芝、絡華、彈丸、東庫、陳錢、壁下等。山界之下也。此倭寇必由之道也。海防莫急于舟師，四參六總分哨守各洋港，其南哨也。至鎮下門、南甌、玉環、烏沙門等山，交于閩海而止。其北哨也。至洋山、馬蹟、灘許、衢山等處，交于直海而止。陳錢爲浙直分艘之處，交相會哨，是故今日之設險，自內達外有三重焉。會哨于陳錢，分哨于馬蹟、洋山、普陀，大衢爲第一重。出陀家門、馬墓之師爲第二重。總兵督發兵船，第三重。備至密也。

吳淞江口及劉家河，出海迂回，非泊船處所。議分番乍浦之船以守海上，洋山、蘇松之船以守馬蹟。定海之船以守大衢，又其外陳錢諸島尤爲賊冲三路之要，宜統戰船駐劄。查自寧至定江路，約可六十里，相應每日一開，俾將帥統率兵丁乘潮而下，放于海口，明旦復乘潮而上，達于江橋，往返必挽弓飛刀。

一如陸操之法。如洗砲時。卽于船上拖放。以服習其勢。此之謂日操。又自寧定至寧化邊海老涯。長數百里。與象山相對。中間一水至台之寧海而盡。名雖海尾。實係內港。視自寧至定之江。其闊可數十倍。今既于江中日操。更於每月中擇風日平和之時。放舟出關。試演于河頭渡。在寧波一帶。或三五日而後還。則自習空闊。何畏望洋。此謂月操。

浙江防海設六總。金盤總。守海港者寨凡五。守海岸者寨三十有二。守海外者自大嚴頭山、海島、玉環山、霓澳、南龍山、南麂、鳳凰山、凡五。獨南麂、鳳凰山、澳闊大。坐臨深海。山外大洋。別無山島。自明初以來。俱假此棲泊。實巢穴也。松海總。其守海港者七。守陸路者八。八者之間。惟健跳城三而阻山。皆峻嶺。東面山前距海。若非兵船預伏探哨。寇舶卒至。何以禦之。故健跳戰艦之設。不可一時而不戒者也。昌國總。沿海設備者六。海中設備者十五。定海總。沿海設備。自定海衛至大嵩港。凡九。海外設備。自舟山、螺峯、巡司、至沈家門。寨凡十二。臨海總。守海岸者七。守海港者八。海寧總。海岸設備者十。海港設備者三。自東關外龍王塘至西海口。西海口南通大洋。北近平湖。係浙西之咽喉。平湖之門戶也。

台之飛雲、橫陽館頭、溫之松門、海門、寧之定海、湖頭渡、紹之王江、杭之赭山、龜山、嘉之乍浦、澉浦。皆海濱門戶。

海汛春夏多東南風。慮犯淮揚。秋冬多西北風。慮犯寧紹。浙中海船。于遠番皆能通之。

北福洋烽火門寨設于福寧州所轄官井等哨。當會哨者五。小埕水寨設于連江所轄安鎮等哨。會哨者三日。南水寨設于莆田所轄沖心、蒲麟、崇武等哨。當會哨四。浯嶼寨設于同安。大約當會哨者二。南銅山水寨設于漳浦。大約當會哨者二。

閩寇入犯之冲。首南澳。次銅山。次浯嶼。次南日。今扼其上流。則南地可無慮。外島在漳曰南澳。在泉曰澎湖。在興曰湄州。在福曰海境。但澎湖遠在海外。去泉二千里。其山迂回有三十六嶼。羅列如排牙然。內澳可容千艘。又周遭平山爲障。止隘口進。不得方舟。今賊得先據。所謂一人守險。千人不能過者也。又山水多石。風信不常。吾兵攻守頗難。

三四月東南風汛。番船多自粵趨閩。而入于海南澳云。蓋特走馬溪。乃番船始發之處。慣徒交接之所也。附海有銅山、元鍾等哨守之兵。若遏其冲。不得泊。其勢必趨于外浯嶼。乃五澳地方番人之巢窟也。附海有浯嶼、安邊等哨守之兵。若把守緊要港門。不得泊。其勢必趨于料羅、烏紗。乃番船候接濟之所也。附海有官澳、金門等哨守之兵。若先守不得泊。其勢必趨于圍頭、峻上。乃番船停留避風之門戶也。附海有深扈、福金等哨守之兵。若先守不敢泊。其勢必趨于福興。若越于福興。計其所經之地。在南日則有岱墜、湄州等處。在小埕則有海壇、連盤等處。在風火門則有官井、流江、九澳等處。此賊船之所必泊者也。海洋之治。必先嚴內地奸人接濟。而後倭夷可靖。

海防守南日山下。北可以遏南菱湖井之冲。南可以阻湄州岱墜之突。扼要區也。明景泰以來。移其寨于

莆田吉了地方。南日棄而不守。非計矣。

廣東海防。分爲三路。東路爲惠潮二郡。與福建連壤。漳船通番之所必通。潮爲嶺東巨鎮。柘林南澳俱係要區。而靖海海門蓬州大城諸所。又皆跬步海濤。所賴以近保三陽。遠衛東嶺者也。惠州海豐。東南濱海。其捷勝平海甲子門。皆瞬息生變。然未有如柘林爲尤要也。柘林乃南澳海道門戶。據三路之上遊。番舶自福趨廣。悉由此入。爲今計。東路官軍。每秋掣班。必以柘林爲堡。填固要津。若遇颶霧塵霾。尤宜加意。中路廣州置省。環海大洋。風濤千里。皆盜賊淵藪。常考之三四月。東南風汛。日本諸島入寇。多自閩趨廣。柘林爲東路第一關鎖。彼知有備。不得泊。其勢必越中路之屯門。雞栖佛堂門。冷水角。老萬山。虎頭門等澳。而南頭爲尤甚。今附海有東莞。大鵬。戍守之兵。倘彼知巡哨不敢泊。其勢必歷峽門。望海橫瑟山。零丁洋。仙女澳。九竈山。九星洋等處而西。而浪白澳爲尤甚。乃番舶等候接濟之所也。今附海有香山所戍守之兵。倘彼又不得泊。其勢必至厓門。塞門。海萬戶山。網州等處而西。而望峒澳爲尤甚。乃番舶停留避風之門戶也。今附海有廣海衛新寧海朗所戍守之兵。廣東三路莫甚於東路。而中路次之。西路高雷廉又次之。三郡逼近占城。暹羅刺諸番。故高州東連肇東。南憑溟渤神電。所轄一帶海澳。若連頭港。汾州山。兩家灘。廣州灣。爲本府之南輪。雷州突出海中。三面受敵。其遂溪。湛州。瀾州。樂民等四十餘隘。固爲合衛三道門戶。而海安。海康。黑石。清道。并徐聞。錦囊。諸隘所。以合防海澳。若廉州則尤爲全廣輕重。海北扼塞。兩有攸寄。故兵符特割于靈山達堡。增屯于衛北。西南雄郡。如瓊爲廉之外。